



Ք Ա Ղ Վ Ա Ծ Ք Ն Ե Ր
ԳԵՐԱԳՈՅՆ ՀՈԳԵՎՈՐ ԽՈՐՀՈՐԴԻ ՆԻՍՏԵՐԻ
ԱՐՁԱՆԱԳՐՈՒԹՅՈՒՆՆԵՐԻՑ

1959 թ. ՀՈՒՆՎԱՐԻ 29-Ի ՆԻՍՏԻՑ

ԳԵՐԱԳՈՅՆ ՀՈԳԵՎՈՐ ԽՈՐՀՈՐԴԻ սույն նիստում լսվեց Մայր Աթոռի գլխավոր ճարտարապետ Արծրուն Գալիկյանի զեկուցումը 1959 թվականի ընթացքում Մայր Աթոռում և նրա հողամասից դուրս կատարվելիք շինարարական աշխատանքների մասին:

Գերագույն Հոգևոր Խորհուրդը, հետ քննու-

թյան, հաստատեց 1959 թվականի համար նախատեսված շինարարական աշխատանքները և որոշում ընդունեց հանձնարարել շինարարական գրասենյակին և Մայր Աթոռի տնտեսական վարչության՝ ձեռք առնել անհրաժեշտ միջոցներ՝ ապահովելու համար Մայր Աթոռի 1959 թվականի շինարարական ծրագրի կատարումը:

1959 թ. ՓԵՏՐՎԱՐԻ 10-Ի ՆԻՍՏԻՑ

ԳԵՐԱԳՈՅՆ ՀՈԳԵՎՈՐ ԽՈՐՀՈՐԴԻ սույն նիստում քննության առավ Ս. Էջմիածնի Մայր Տաճարի Ավագ Սեղանի մարմարե խաչկալի զեղարվեստական քանդակման ծախսերի հարցը:

Գերագույն Հոգևոր Խորհրդի որոշումով հանձնարարվեց Մայր Աթոռի գլխավոր ճարտարապետին՝ աշխատանքային պայմանագիր կնքել քանդակագործ Արա Հարությունյանի հետ և հետևել աշխատանքների զեղարվեստական կատարելության, Մայր Աթոռի ճարտարապետների հանձնաժողովի գործակցությամբ:

ԳԵՐԱԳՈՅՆ ՀՈԳԵՎՈՐ ԽՈՐՀՈՐԴԻ սույն նիստում Մայր Աթոռի գլխավոր ճարտարապետ Ա. Գալիկյանը զեկուցեց Օշականի Ս. Մեսրոպ եկեղեցու նորոգման աշխատանքների մասին:

Օշականի Ս. Մեսրոպ եկեղեցու նորոգման աշխատանքները, որոնք սկսվել են 1958 թվականին, շարունակվելու են այս տարի, զարնան և ամռան ամիսներին: Նախատեսված է սրբատաշ քարերով պարսպապատել եկեղեցու բակը և բարեկարգել և ընդարձակել Ս. Մեսրոպի դամբարանը:

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ սույն նիստում կազմվեց Վարդապետական քննիչ հանձնաժողով հետևյալ կազմով. գերաշնորհ Տ. Հայկազուն հայկական Արաճաճյան՝ փերատեսուչ Հոգևոր Ծեմարանի, գերաշնորհ Տ. Եզնիկ հայկական Ազնավուրյան՝ անդամ Գերագույն Հոգևոր Խորհրդի, պրոֆ. Առաքել Առաքելյան՝ անդամ Գերագույն Հոգևոր Խորհրդի, Արթուր Հատիտյան՝ խմբագիր «Էջմիածին» ամսագրի:

Վարդապետական քննիչ հանձնաժողովի պարտականությունն է քննել վարդապետական աստիճանների տվյալների համար ներկայացված գրավոր աշխատանքները և ղեկուցել վեճափառ Հայրապետին:

1959 թ. ՓԵՏՐՎԱՐԻ 24-Ի ՆԻՍՏԻՑ

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ սույն նիստում լավեց Մայր Աթոռի գլխավոր հաշվապահ Գ. Քեհյայանի ղեկուցումը Մայր Աթոռի ներքին թեմերի 1958 թվականի բյուջեի կատարողականի և 1959 թվականի նախահաշվի հաստատման մասին:

Գերագույն Հոգևոր Խորհուրդը, հետ քննության, հաստատեց ներքին թեմերի 1958 թվականի բյուջեի կատարողականը և 1959 թվականի բյուջեի նախահաշիվը՝ ըստ թեմերի:

